

Dostojanstven ukop je jedno od najstarijih ljudskih prava

Oni koji su počinili genocid u Srebrenici 1995. godine iskalili su svoju mržnju na žrtvama i “na svim svojim sugrađanima koji žele živjeti u solidarnosti i pravdi”, kazao je danas visoki predstavnik i posebni predstavnik EU Valentin Inzko.

Obraćajući se na ceremoniji obilježavanja obljetnice stradanja u Potočarima, visoki predstavnik i posebni predstavnik EU je rekao da je mržnja koju su širili ratni zločinci dotakla svakoga u Bosni i Hercegovini, ali i da je ta mržnja odbačena.

“Dobro nije pasivno kada se suočava sa zlom. Ono ga *aktivno* odbacuje. Društvo nije bespomoćno. Društvo može aktivno i odlučno unaprijediti alternativu zlu, kao protuotrov za zlo – a to je realnost izgrađena na pravdi.

“Ništa se ne može izgraditi na genocidu, to su loši temelji”, kazao je on. “Ništa se ne može zaštititi genocidom. Mržnja – i sve što iz nje proistječe – u konačnici pobjeđuje samu sebe”.

Iako možda ima još onih “koji inzistiraju da ubojice nisu ubojice, da žrtve nisu žrtve, da mrtvi nisu mrtvi”, kazao je visoki predstavnik i posebni predstavnik EU, “ovo izopačeno i uporno poricanje – u svjetlu neosporivih dokaza – nestat će pred istinom. Istina će *uistinu* prevladati – čak i među onima koji se tvrdoglavo kriju od nje”.

On je rekao da će sudovi, uključivši i Haaški tribunal, osigurati da pravda bude zadovoljena.

“Oni koji su ubijali ovdje – i oni koji su njima dirigirali, a neki od njih su sada zatvorenici u Haagu – bili su zatočnici zla, no oni to zlo nisu prenijeli na nas ostale”, kazao je visoki predstavnik i posebni predstavnik EU. Cjelokupna zajednica u Bosni i Hercegovini danas odbacuje zločin i zločince”.

On je rekao da će međunarodna zajednica nastaviti surađivati sa građanima Bosne i Hercegovine “u znak solidarnosti sa svim građanima koji ne žele nikakvu mržnju, koji žele živjeti u miru i pravdi” i to će raditi “u uvjerenju da će prevladati dobro, a ne zlo”.